



## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicacionem Pagina  
Indicabit

V. P. Gasparis Druzbicki, Societatis Jesu, Fasciculus Exercitiorum Et  
Considerationum, De Præcipuis Veritatibus Christianæ Fidei Et Sapientiæ -  
Ad efformationem Christianæ vitæ, consecutionem salutis æternæ  
collectus: & usui accommodatus

**Druzbicki, Kaspar**

**Ingolstadii, 1732**

**VD18 90066332**

Exerc. 5. De aliis Motivis juvandi Animas Purgatorii.

**urn:nbn:de:hbz:466:1-45396**

nem finalem, beatificèque consummatam, exhibere. Ipsum enim Purgari, bonum Animarum est: & nolent illæ impurgatæ ad Cælum, Deique visionem beatificam venire, esto vellet id Deus eis indulgere.

3. Ut ergo, tot, tam Sancta, tam justa, tam magnavota Angelorum, Pretiosissimæ Dei Matris, Domini & Dei, Redemptorisque nostri Jesu Christi, demumque, ac super omnia Sanctissimæ Trinitatis, expleas; accinge te ad ardens, impensum, assiduum, ac liberale studium; ferendi Animabus, prout cum Divinâ gratiâ, secundum statum tuum prævalebis, auxilium, atque suffragium.

*P R A X I S.*

*Oratio Ecclesiæ. Fidelium Deus &c.*

Vel de Sancta Sindone: quæ quoties dicitur, toties Anima liberatur.

*DEUS qui nobis in Sacrà Sindone, quâ corpus tuum Sacratissimum de Cruce depositum, à Joseph involutum fuit: Passionis tuæ vestigia reliquisti: Concede propitius: ut per mortem ac Sepulturam tuam, ad Resurrectionis gloriam perducamur. Qui vivis, & regnas cum DEO &c.*

*EXERCITIUM V.*

*De aliis motivis juvandi Animas purgatorii.*

1. *Statue te, coram Purgatorio Animabus pleno, cruiatibus referto, & ejulatibus miserabilibus resonante.*

2. Ex-



2. Excita te, ad fervens, constansque studium adjuvandi illas Animas, tum isto statûs eorum miserrimi conspectu, tum aliis huc servientibus motivis, atque causis.

1. Excitet te, ad hanc pro Animabus sollicitudinem, Sanctæ Matris Ecclesiæ, tum exemplum desiderium. Manifestum est enim: Ecclesiam nunquam oblivisci Animarum illarum omnibus suis ad Deum precibus, etiam suffragiis pro defunctorum Animabus adjungere. Manifestum etiam est, id ipsum à filiis suis, pro iis Animabus, ut fiat, Ecclesiam velle: & se multum probare: cedit enim hoc in ipsius Ecclesiæ solatium in hac vitâ, in præmium autem in alterâ: affert optimum, optatissimumque fructum Sponso suo: & se in Animabus plene participatis, exhibet Virginem castam, non habentem rugam, neque maculam, facundam tamen illorum, Dei conspectu, & fruitione dignorum. Præterea, Mater, Ecclesia, juvando Animas illas per nos filios suos hîc adhuc degentes, exertit vitalem influxum charitatis, ac pietatis, in membra, tanquam pia Mater: minimè obliviscitur tradens eos, qui à se hinc descendunt: sed eorum curam gerens nihilominus, opemque præferens utilem, opportunam, & necessariam.

2. Excitet te ad hoc pro Animabus illis studium, utilitas Animarum illarum optatissima, opportunissima, in necessitatis extremæ articulo, exhibita beneficentia: quàm proinde impossibile est illis non esse gratissimam; Etenim nullum beneficium, majus, opportuniusque possunt recipere Animæ illæ, quàm ut extrahantur de illo lacu miserrimo, utque solvatur



ipsis debitum, utque eliberentur de Vinculis, de tenebris, de tormentis: adducantur autem ad summum & interminabile bonum, ad possessionem nimirum, fruitionemque Dei æternam. Cui beneficio, secundum se spectato, manifestum est nullum in bonitate, & excellentiâ conferri posse.

3. Excitet te ad idem studium pro Animabus Purgatorii, tua propria, quæ in te ex hoc studio redundat utilitas. Primò enim hâc pietate, plurimum apud Deum, totamque cælestem curiam mereris. 2. Exerces plurimos actûs Virtutum multarum: Fidei, Spei, Charitatis Dei, & proximi, misericordiæ, & compassionis, justitiæ, gratitudinis, fidelitatis, liberalitatis, aliarumque intercurrentium in ipsis operibus, quæ pro ipsis animabus fiunt, optimarum actionum.

3. Exerces, & excitas in te, timorem Purgatorii, studiumque, & propositum curandi, ne & tu ipse aliquando venias in illum locum tormentorum: curam quoque efficacem vivendi, & existendi semper in statu gratiæ: sine quo, tua opera omnia (utpote mortua, ac a mortuo profecta) nihil prodesse Animabus. 4. Excitas, & exerces in te, propositum fugiendi peccata, & malam vitam: agendi pænitentiam: prospiciendi Animæ tuæ de subsidiis, suffragiisque post tuam mortem. 5. Excitas & exerces actu, pænitentia ipsa opera: Orationes, Eleemosynas, jejunia, aliasque afflictationes tui. 6. Excitas te ad studium, & exercitia perfectionis, puritatis Animæ, & conscientia, mortificationes, & victorias tui, strenuosque actus pro tuâ ipsius salute. 7. Excitas in te, fidem & metum iudicii

Divini



Divini post mortem, ejusque severitatis, & in  
ad severam, feriamque morum tuorum, & in  
spectionem, & correctionem, censuramque  
cenderis. 8. Factitas opera varia devotionis quibus  
indulgentias sacras consequaris, in tuam  
Animarumque Auxilium. 9. Facis tibi obligatas  
Animas, tum quæ in Cælo jam beatæ sunt: tum  
has ipsas; quas existentes in pœnis, ab eis liber-  
ras: ut suo tempore, potentes beatitudine, tuam  
singularem curam gerant, orando pro te, gra-  
tias tibi opportunas à Deo impetrando, & mor-  
tem Sanctam, liberumque à purgatorio hinc  
transitum obtinendo: Media congrua tam pro  
hac præsentī, quàm pro illâ alterâ vitâ provide-  
ndo: vel ut à Deo provideantur exposcendo.  
10. Mereris; ut pro te mortuo, Deus excites  
post modum multos ad orandum, & satisfaci-  
endum, pro te in Purgatorio existente. 11. Me-  
reris etiam; ut pro te mortuo, facta à vivis sus-  
fragia, efficaciter, infallibiliterque tibi profici-  
ant, & applicentur à Deo, sicque citò è pur-  
gatorio libereris. 12. Mereris etiam; ut Deus  
in hac vitâ det tibi media, auxiliaque multa, &  
efficacia, hic vivendi, atque moriendi, sine ob-  
ligatione culpæ, & pœnæ, ut ita sine purgatorio  
transeas ad cælum. 13. Excitas ipsas etiam Ani-  
mas, etiamnum in purgatorio positas, ut pro te  
vivo, aut mortuo sint sollicitæ: ut pro te orent,  
tuasque necessitates, Deo speciali cura com-  
mendent, pericula propulsent, gratiam tibi pro  
Gratiâ jam tunc referentes: facturæ id ipsum  
absque dubio plenius jam DEO in cælis fru-  
entes.

3. Ista igitur omnia excitent te, ad singula-

rem,



rem, constantemque diligentiam, & liberalitatem, in afferendo Animabus illis Sanctis, sed nec dum Beatis, auxilio.

P R A X I S.

Oratio Ecclesiæ. *Fidelium Deus &c.*

Vel Oratio de S. Sindone: quæ quoties dicitur toties Anima liberatur.

DEUS, qui nobis in Sanctâ Sindone, quâ corpus tuum Sacratissimum, de Cruce depositum, à Joseph involutum fuit, passionis tuæ vestigia reliquisti: Concede propitius, ut per mortem & sepulturam tuam, ad resurrectionis gloriam perducamur. Qui vivis, & regnas cum Deo Patre in unitate Spiritus Sancti Deus, per omnia sæcula, &c.

EXERCITIUM VI.

De aliis motivis ad juvandas Animas Purgatorii.

1. Statue te coram Purgatorio, Animabus pleno, pœnis earum referto, ejulatibusque earum miserabilibus resonante.

2. Moveat te, ad commiserationem, & ad opem illis ferendam, tum iste illarum lamentabilis, calamitosusque, quem animo & fide cernis, locus, statusque, tum sequentes causæ.

1. Moveat te, ad commiserationem, super has Animas hoc: quia nulli egeno, vel digniùs, vel fructuosiùs, vel gratiùs, vel faciliùs, vel efficaciùs, vel solidiùs, auxilium, solatiumque præstare potes, quàm Animabus Purgatorii. Animæ enim illæ, sine dubio dignæ sunt auxilio, cum sint Sanctæ & Deo charæ, in ejusque Gratiâ, & Amicitia.

Juvan-

Handwritten notes in the right margin, including the number '11' and other illegible characters.